

ՊԱՅՄԱՆԱԳԻՐ

ԲԺՇԿԱԿԱՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ

ք. Երևան

«09» Հունիս 2021թ.

«Էրեբունի բժշկական կենտրոն» ՓԲԸ-ն, այսուհետ՝ «Կատարող», ի դեմս գործադիր տնօրեն Միքայել Մանուկյանի, որը գործում է կանոնադրության հիման վրա, մի կողմից և «Հոգեկան առողջության պահպանման ազգային կենտրոն» ՓԲԸ-ն, այսուհետ՝ «Պատվիրատու», ի դեմս տնօրեն Սերգեյ Խաչատրյանի, որը գործում է կանոնադրության հիման վրա, մյուս կողմից, կնքեցին սույն պայմանագիրը, այսուհետ «Պայմանագիր»՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1. Բուժհաստատությունը պարտավորվում է վճարի դիմաց Պատվիրատուի կողմից նշված անձին (այսուհետ՝ Պացիենտ) տրամադրել բժշկական ցուցումներին համապատասխան և դրանից բխող բժշկական օգնություն (այսուհետ՝ Բուժօգնություն):
- 1.2. Պատվիրատուն պարտավորվում է վճարել Բուժհաստատության տրամադրած Բուժօգնության համար:
- 1.3. Պայմանագրի շրջանակներում Բուժօգնություն ստացման համար Պացիենտը Կատարողի մոտ ներկայանում է անձը հաստատող փաստաթղթով և Պատվիրատուի կողմից տրված ուղեգրով, որի ձևը սահմանվում է Պայմանագրի անբաժանելի մասը հանդիսացող Հավելված 1-ով:

2. ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐԸ

- 2.1. Կատարողը բժշկական ծառայությունը մատուցում է իր աշխատանքային ռեժիմին համապատասխան:
- 2.2. Կատարողը ապահովում է մատուցված բժշկական ծառայության վերաբերյալ համապատասխան փաստաթղթի ժամանակին փոխանցումը Պացիենտին:
- 2.3. Պատվիրատուն պարտավորվում է Կատարողին վճարել Պացիենտին մատուցված բժշկական ծառայությունների դիմաց:
- 2.4. Պատվիրատուն պարտավորվում է չխոչընդոտել Կատարողի կողմից Պայմանագրով սահմանված իր պարտականությունների իրականացման ընթացքին:

3. ԲԺՇԿԱԿԱՆ ԾԱՌԱՅՈՒԹՅՈՒՆՆԵՐԻ ԱՐԺԵՔԸ

- 3.1. Տրամադրված Բուժօգնության գինը հաշվարկվում է այն Պացիենտին տրամադրելու պահին Բուժհաստատության գործող գնացուցակով (այսուհետ՝ Գնացուցակ):
- 3.2. Պատվիրատուն հավաստում է, որ Պայմանագրի կնքման պահին ծանոթացել է Գնացուցակին:
- 3.3. Կատարողը մինչև յուրաքանչյուր ամսվա 15-ը Պատվիրատուին է ներկայացնում նախորդ ամսվա ընթացքում մատուցված բժշկական ծառայությունների համար հաշվարկային փաստաթուղթ, որի ստացումից հետո 5 բանկային օրվա ընթացքում Պատվիրատուն կատարում է համապատասխան վճարում՝ Կատարողի բանկային հաշվին փոխանցում կատարելու միջոցով:

4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 4.1. Կողմերից որևէ մեկի կողմից իր պարտավորությունները չկատարելու կամ ոչ պատշաճ կատարելու դեպքում, մեղավոր կողմը պատասխանատվություն է կրում ՀՀ օրենսդրությամբ սահմանված կարգով:
- 4.2. Կողմերը ազատվում են պատասխանատվությունից Պայմանագրային պարտավորությունները չկատարելու համար, եթե դա տեղի է ունեցել ֆորս-մաժորային հանգամանքների պատճառով (հրդեհ, ջրհեղեղ և այլ

տարրերային աղետներ, ինչպես նաև պատերազմներ, գործադուլներ, իշխանությունների կարգադրություններ և այլն): Սակայն նման հանգամանքների տեղի ունենալը կողմերին չի ազատում այդ մասին միմյանց անհապաղ գրավոր տեղեկացնելու (համապատասխան փաստաթղթերով հաստատելով դա) և այդ հանգամանքները վերանալուց հետո սեփական պարտավորությունները կատարելու պարտականությունից:

4.3. Պայմանագրի 3.3-րդ կետում նշված պարտավորությունների կատարման ժամկետը խախտելու համար Պատվիրատուն պարտավոր է վճարել տույժ Պայմանագրի արժեքի 0.1 տոկոսի չափով՝ կետանցի յուրաքանչյուր օրվա համար:

5. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

- 5.1. Պայմանագիրն ուժի մեջ է մտնում Կողմերի կողմից այն ստորագրելու պահից և գործում է մինչև սույն տարվա դեկտեմբերի 25-ը:
- 5.2. Պայմանագիրը կարող է Կատարողի կողմից միակողմանիորեն լուծվել ցանկացած ժամանակ՝ առնվազն 3 օր առաջ Պատվիրատուին գրավոր ծանուցում ուղարկելու պայմանով:

6. ԱՅԼ ՊԱՅՄԱՆՆԵՐ

- 6.1. Պայմանագիրը կարող է լրացվել կամ փոփոխվել Կողմերի փոխադարձ համաձայնությամբ:
- 6.2. Բոլոր փոփոխությունները և լրացումները ձևակերպվում են գրավոր և ստորագրվում ու կնքվում են Կողմերի կողմից:
- 6.3. Կողմերը պարտավոր են պահպանել միմյանց գույքային դրության, ինչպես նաև Պատվիրատուի Պացիենտի առողջական վիճակի վերաբերյալ տեղեկությունների գաղտնիությունը:
- 6.4. Կողմերից ոչ մեկը իրավունք չունի երրորդ անձանց փոխանցել Պայմանագրով ստանձնած իր իրավունքներն ու պարտականությունները, առանց մյուս կողմի հետ գրավոր համաձայնեցման:
- 6.5. Կողմերը պարտավոր են անհապաղ ծանուցել միմյանց՝ հասցեների և բանկային վավերապայմանների փոփոխման վերաբերյալ:
- 6.6. Պայմանագիրը կազմված է հայերեն լեզվով, 2 օրինակից, որոնք օժտված են հավասար իրավաբանական ուժով: Յուրաքանչյուր կողմին տրվում է մեկական օրինակ:

7. ԿՈՂՄԵՐԻ ՀԱՍՑԵՆԵՐԸ ԵՎ ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ

«ՊԱՏՎԻՐԱՏՈՒ»

«Հոգեկան առողջության պահպանման ազգային կենտրոն» ՓԲԸ
Հասցե՝ ք. Երևան Նուբարաշեն 1/3
Բանկ՝ «Հայէկոնոմբանկ» Էրեբունու մ/ճ

Հ/Հ 163068068481

ՀՎՀՀ 00475611

Տնօրեն՝ Ս. ԽԱՉԱՏՐՅԱՆ

«ԿԱՏԱՐՈՂ»

«Էրեբունի բժշկական կենտրոն» ՓԲԸ
Հասցե. ք. Երևան, 0087, Տիտոգրադյան փ. 14
Բանկ՝ «Հայէկոնոմբանկ» Էրեբունու մ/ճ

Հ/Հ 163318100050

ՀՎՀՀ 00403857

Գործադիր տնօրեն՝ Ս. ԿՈՎԱԿՅԱՆ

«Հոգեկան առողջության պահպանման ազգային կենտրոն» ՓԲԸ-ն և
«Էրեբունի բժշկական կենտրոն» ՓԲ ընկերության միջև
«09» հուլիս 2021թ -ին կնքված բժշկական ծառայությունների մատուցման պայմանագրի

ՈՒ Ղ Ե Գ Ի Ր թիվ _____

(ուժի մեջ է տալու պահից՝ քսան օր ժամկետով)

Քաղաքացի _____
(անունը, հայրանունը, ազգանունը) (ծննդյան տարեթիվը, ամիսը, ամսաթիվը)

(անձնագրի սերիան, համարը կամ նույնականացման քարտի համարը կամ ծննդյան վկայականի համարը)

Քաղաքացու բնակության վայրը և հեռախոսահամար _____
(մարզը, համայնքը, փողոցը, տունը, բնակարանը, հեռախոսահամարը)

Ուղեգրման նպատակը՝ _____

Ուղեգրող՝ _____

Տնօրեն՝ _____ / _____ / _____
(անունը, ազգանունը) (ստորագրությունը)

Տրամադրման օրը՝ _____ 20__թ. Կ.Տ

«ՊԱՏԱԿՐԱՏՈՒ»
«Հոգեկան առողջության պահպանման ազգային կենտրոն»



ՓԲԸ

Տնօրեն՝ Ս. Իսախանյան

Կ.Տ

«ԳԱՏԱԿՈՂ»
«Էրեբունի բժշկական կենտրոն» ՓԲԸ



Գործադիր տնօրեն՝ Ը. Մանուկյան

Կ.Տ